

vleißig vorstehen / vnd auffstehen / das Fürstlicher /  
vnd der Bergkren gerechtikeit / mit schmeltzen nit  
verfürzt / treulich / nützlich vnd wol geschmeltzt /  
aller betrieg vnd vnrechter vortell gemeyden / mich  
des selber meyden. Meines Gnedigen Herrn Ord-  
nung allenthalben vhestiglich handthaben / selber  
halden / vnd wue ich die vbergangen befinde / war-  
nen vnd ansagen. Keins andern genies oder nutz  
dann mir zugelassen vnd verordnet ist / gewarten /  
Mich wider disz alles kein nutz / gab / gunst / freunt-  
schafft oder veindschafft / bewegen lassen / Sonder  
wil dem allen nach meinem höchsten vermögen ge-  
nugkthun / treulich vnd vngewerlich / als mir Gott  
helff vnd alle seine heyligen .

Gleichmessigen Lyd sollen die Dütten-  
schreiber thun.

## Der Schmeltzer vnd Abtreiber Lyd.

Ich N. schwere / das ich wil meinem Gnedig-  
en Herrn Hertzog Georgen / getraw vnd gewertig  
sein. Seiner Fürstlichen gnaden / vñ gemeins bergk-  
wergs bestes fördern. Vñ sonderlich meinem dienst  
mit schmeltzen vnd abtreiben / treulich vnd vleißig  
genugthun / zu mehrung Fürstlichs zehenden / vnd  
der Bergkren nutz / mit meiner kunst besten vleys  
fürwenden / darinne gar kein gefahr / betriegk vben  
oder yemandt zuthun / wissentlich verhängen. Mei-  
nes Gnedigen Herrn Ordnung / in allem das mir  
darinne zuthun eingebunden ist / vhestiglich haldē.  
Keines